

卷
十二
上



張氏醫通卷十二

長洲石福張

璐路玉父纂述

男

以柔安世

叅訂

訥遜言

嬰兒門下

夫人習尚不同趨舍各異痘疹一門向得涵高見採輯諸家方論備列醫通其間方藥多有以意叅易者惜乎筆削未竣完壁難求志兒心折其學因命續貂系以痲疹諸例庶不失先哲二者並名之義云

錢氏痘疹論



南京中医药大学图书馆

小兒在胎時。食母五藏血穢。生後其毒當出。故痘疹所發。皆五藏之液。肝水泡。其色青小。肺膿泡。色白而大。心爲斑。其色赤小。脾爲疹。其色赤黃。疹欲出五藏證具。惟腎無候。但耳涼尻冷是也。瘡疹出時。辨視輕重。一發便出盡者。必重也。瘡夾疹者。半輕半重也。出稀者。輕。裏外微紅者。輕。外黑裏赤者。微重也。外白裏黑者。太重也。瘡端裏黑點如鍼孔者。勢甚也。青乾紫陷。昏睡汗出不止。煩躁熱渴。腹脹啼喘。大小便不通者。困極也。凡瘡疹當令孔母慎口。不可令饑。及受風冷。致歸腎變黑。難治也。有大熱。當利小便。有小熱。宜解毒。若黑紫乾陷者。百神丸下之。不黑者。慎勿下。

更看時月輕重。抵痘疹。陽出則春夏為順。秋冬
為逆。又當辨春膿泡夏黑。但秋斑冬疹亦不順也。黑
者無問何時。十難救一。其候寒戰噤牙。或身黃腫紫
急宜百祥丸下之。復惡寒不已身冷汗出耳尻反熱
者死。腎氣大旺脾虛不能制故也。下後身熱氣溫欲
飲水者可治。脾旺勝腎寒去而溫熱也。治之宜解毒
不可妄下。下則內虛多歸於腎。若能食而痲頭焦起
或未焦而喘實者四順清涼飲下之。若身熱煩渴腹
滿而喘大小便濇面赤悶亂大吐此當利水便不瘥
者宣風散下之。若五六日痲不焦是內發熱熱淫蒸
於皮中故痲不得焦宜宣風散導之用生犀磨汁解

之便熱退痲脫矣。○瘡疹欲出先欠呵頓悶肝也。時發驚悸心也。乍涼乍熱手足冷多睡脾也。面腮頰赤欬嗽噴嚏肺也。此四藏證俱見惟黑者屬腎也。瘡疹乃五藏之毒內一藏受穢多者出則歸其藏矣。

丹溪叅補陳氏痘疹論

小兒瘡疹大抵與傷寒相似發熱煩躁臉赤唇紅身痛頭疼乍寒乍熱口噤呵欠嗽喘痰涎始發之時有因傷風傷寒而得有因時氣傳染而得有因傷食嘔吐而得有因跌撲驚恐血而得或為竄眼驚搐如風狀或口舌咽喉上腹中痛或煩躁狂悶昏睡自汗或下利或潮熱證候多端卒未易辨須以耳冷尻冷

足冷驗之。蓋瘡之屬陽。腎藏無證耳。與尻足俱屬腎。故獨冷又不若視其耳後。有紅脈赤縷爲真候。調護之法。首尾俱不可汗下。但溫涼之劑兼而濟之。解毒和中安表而已。虛者益之。實者損之。冷者溫之。熱者平之。是爲權度。如庖人籠蒸之法。但欲其鬆耳。蓋毒發於表。如苟妄汗。則營衛一虛。開泄瘡爛。由是風邪乘間變證者有之。毒根於裏。如苟妄下。則內氣益虛。毒不能出。而返入焉。由是土不勝水。變黑歸腎。身作振寒耳尻反熱。腹脹黑陷。十無一生。汗下二說古人深戒。以此視之。瘡疹證狀。雖與傷寒相似。而治法實不同。傷寒從表入裏。瘡疹從裏出表。故也。如欲解肌。

葛根紫蘇可也。其或氣實煩躁熱熾便秘則犀角地黃湯。或紫草飲多服亦能利之。故雖云大便不通少與大黃尤宜斟酌。若小便赤少者分利小便則熱氣有所滲出。凡熱不可驟遏但宜輕解。若無熱又不能起發也。○瘡疹分人清濁就形氣上取勇怯。凡已發未發但覺身熱證似傷寒疑似未明先與惺惺散參蘇飲熱甚則升麻湯人參敗毒散。張涵高曰上方傷難應用當以輕劑透表一見紅點便忌葛根恐發則表虛也。凡痘瘡初欲出時身熱鼻尖冷呵欠欬嗽面赤便宜升麻湯加山查大力子則瘡希疎易愈。凡痘瘡發熱時法以惡實子爲末蜜調貼顙門免有患眼之疾。凡初出之際

須看胸前稠密急宜消毒飲加查肉黃芩紫草減食
諒加人參初出之時色白者便大補氣血參耆朮
桂芍芎歸若大便瀉加木香肉豆蔻初起時自汗不
妨蓋溼熱熏蒸而然有初起煩躁譫語狂渴汁飲若
飲水則後來靨不齊急以涼藥解其標加益元散之
類凡瘡已出可頻與化毒湯當去出不快者加味四
聖散或紫草飲紫草木通湯及快斑湯出太甚者人
參敗毒散色赤犀角地黃湯疎則無毒密則毒盛宜
多服涼藥解之庶無害眼之患爐灰色白靜者作寒
看齊湧者燥者炊發者作熱治。○黑屬血熱涼血爲
主白屬氣虛補氣爲先中黑陷而外白起得遲者則

相兼而治。凡痘瘡分表裏虛實。吐瀉少食爲裏虛。不吐瀉能食爲裏實。裏實而補則結癰。毒陷伏倒。屬灰白者爲表虛。紅活綻起爲表實。表實而復補表則潰爛不結痂。痘瘡分氣血虛實。虛則黃蒼養營活血之劑。佐以風藥。實則芍藥黃芩爲君。佐以白芷連翹之類。調解之法。活血調氣安表和中。輕清消毒兼而治之。溫如當歸黃耆。涼如前胡葛根。佐以川芎白芍枳殼桔梗羌活木通紫草之屬。則可以調適矣。黑陷二種。因氣虛而毒不能盡出者。酒炒黃耆紫草人參輩。黑陷甚者。用燒人矢蜜水調服。瘡塌者。於形色脈上分虛實。實則脈有力。氣壯紅紫。虛則脈無力。色淡平。

塌虛癢以參耆黃表之劑加涼血藥實癢如大便秘
通少與大黃寒涼之藥下其結糞氣怯者用淡蜜
水調滑石末以羽潤瘡上瘡乾宜退火祇用輕劑荆
芥防風半旁之類上引用升麻葛根下引用蒺藜牛
膝佐以貝母忍冬白芷栝蒌之類若咽喉痛者鼠粘
子湯如聖飲選以喘滿氣壅者麻黃湯加黃芩白芍
石膏煩渴瀉利者烏梅與萊豆黑豆作湯時溫服之
瀉利嘔逆者理中湯加木香將欲成就却色淡者宜
助血氣芎歸芍藥紅花之類將欲成就却色紫者宜
涼血解毒生地芩連連翹之類甚者犀角大解毒
淡白色將靨時如豆殼者蓋因初起時飲水多其靨

不齊俗呼爲倒黥但服實表之劑消息二便如大便秘通大便小便秘通小便小便赤濇大連翹湯甘露飲大便秘結內煩外熱者小柴胡加枳殼最當或少與四順清涼飲瘡疹用藥固有權度大小二便不可不通其大便自下黃黑則毒已成不必多與湯劑但稍與化毒湯不用亦可二便一或閉焉則腸胃壅遏脈絡凝滯毒無從泄眼閉聲啞不旋踵而告變矣陷入者加味四聖散更以胡荽酒薄敷其身厚敷其足噴其衣被併厚蓋之若猶未也獨聖散八木香煎湯若其瘡已黑乃可用錢氏宣風散加青皮錢氏云黑陷青紫者百祥丸下之不黑者慎勿下知其所下者

瀉膀胱之邪也。又云。下後身熱氣溫。欲飲水者可治。
寒戰者爲逆。知其脾強。土可以制水也。百祥丸太峻。
宜以宣風散代之。瀉後溫脾。當用人參茯苓白朮等
分。厚朴木香減半爲妙。蓋瘡發肌肉。陽明爲主。脾土
一溫。胃氣隨暢。何憚不消。弭已泄之腎水平。此錢氏
不刊之秘旨也。其壞瘡者。一曰內虛泄瀉。二曰外
傷風冷。三曰變黑歸腎。近時痘疹多宗陳文中木
香散異功散。殊不知彼時立方之時。爲嚴冬大寒鬱
遏痘瘡。不得紅綻。故用辛熱之劑發之。今人不分時
令寒熱。一槩施治。誤人多矣。夫渴者用溫藥。瘡場者
用補藥。自陳氏發之。迥出前輩。然其立方多用燥熱

或未適中。恐其立方之際。必有挾寒而虛者設也。痘疹多是毒氣盛。便先宜解毒。然恐氣血周貫不定。故隨後亦宜兼補。以助成膿血也。

薛立齋痘疹大要

痘疹大要。與癰疽治法無異。宜辨表裏虛實寒熱。蓋表虛而用發表之劑。輕則斑爛。重則不能起發而死。裏實而用托裏之劑。輕則患痘毒。重則喘急腹脹而死。裏虛而用疎導之劑。輕則難以貫膿結痂。重則不能結靨落靨而死。治法可不慎哉。若骨赤發熱疼痛。作渴能食便秘。此形氣病氣俱實也。雖在嚴冬。必用四順清涼飲。以救其陰。若黑陷不食嘔吐泄瀉寒戰。

咬牙手足逆冷此脾土虛敗寒水所侮也雖在盛暑
必用六君薑附或陳氏異功散以回其陽此內經舍
時從證之法也若起發遲不紅活不作膿不結痂或
發熱作渴飲食少思此脾胃虛弱也參耆四聖散補
之若雖起而色白雖灌膿而不潰雖結痂而不落或
癢塌作渴飲湯腹痛不食嘔吐泄瀉此脾胃虛寒也
陳氏木香散以溫之其在四五日之間死者毒氣盛
真氣虛而不能起發也六七日之間死者元氣虛而
不能灌膿也旬日之外死者邪氣去脾胃敗而元氣
內脫也治者但能決其死而不知其死必本於血氣
虧損苟能逆推其因而預爲調補豈斷無生理哉蓋

起發灌膿結痂三者皆由脾胃榮養不可妄投剋伐之劑以致其天枉也。至於大人患此治法迥異。昔丹溪嘗治一老人初患痘昏憤不知亟用大補四十餘劑出痘而愈。觀此可見。

魏桂岩逆順險三法論

夫痘分逆順險法。古無有也。愚妄立之何則。順者吉之象。逆者凶之象。險者悔吝之象。治痘而執此三法以觀形色驗吉凶。將無施而不當也。蓋痘發熱三日放標。三日起長三日。灌漿三日。收靨二日。始於見形。終於結痂。凡十四五日之間而已。是故吉不必治。治則反凶。凶不可治。治之無益。至如險者治之則可以

轉危就安。夫氣血盛斯毒已解。氣血損則毒難愈。惟
氣血弱者。雖毒不能頓解。故必加補益扶持。使生意
固乎其中。無不平矣。余嘗苦心究討。定立法式。觀者
幸毋以余爲僭。

一二曰。初出如栗。血點淡紅潤色。於口鼻年壽之間
先發兩三點。順之兆也。○形如蠶種。紫黑乾枯於
天庭司空印堂方廣太陽等處。先見者逆之兆也。
雖稠紅潤澤成箇者。亦險也。○圓暈成形。乾紅少
潤。險之兆也。險者毒雖犯上。其氣未離。俟其氣血
交會。保元湯加桂。

二三日。根窠圓混。氣滿血附。長發飽滿。光潔爲順。○

根窠無暈。氣失血散。枯死不長爲逆。○根窠雖圓而頂不滿爲險。保元湯加芎桂。

四五日大圓光澤大小不一。氣和血就爲順。○綿密如蠶種黑陷乾紅紫泡者爲逆。○根窠雖起色不光潔爲險。保元湯加桂糯米。

五六日氣會血附。紅活鮮明爲順。○氣雖旺而血不歸附灰陷紫陷。或發水泡癢塌爲逆。○氣弱血微光白不榮爲險。保元湯加木香芎歸。

六七日氣化漿行。光潔飽滿爲順。○漿毒不行神去色枯爲逆。○氣血不足不能成漿爲險。急以保元湯加桂米。